

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA  
Broj: T04 0 KT 0068186 26  
Zenica, 10.09.2026. godine

OPĆINSKI SUD U VISOKOM  
Sudija za prethodno saslušanje  
VISOKO

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

#### OPTUŽNICU

Protiv:

B. M., osuđivan,

Što je,

1. Dana 02.02.2026. godine oko 00,05 sati, na području općine B., u prostorijama JU Doma Zdravlja, ugrozio sigurnost druge osobe ozbiljnom prijetnjom da će napasti na njen život, te izvršio psihičko nasilje nad istom upućivanjem psovki i uvreda na ličnom i rodnom osnovu, na način da, prilikom provođenja redovne policijske procedure dovodenja na ljekarski pregled od strane policijskih službenika ..., obratio se medicinskoj sestri J.A. A. ozbiljnom prijetnjom da će napasti na njen život tako što joj je uputio prijetnje i uvrede sadržaja :“ J\*\*\*\* ti majku, j\*\*\*\*\* ti mrtve i žive, znam ja ko si ti, vidjet ćeš šta će ti se desiti poslije ovoga“, znajući da na ovaj način ugrožava sigurnost J. A. A., a potom istoga dana oko 04,30 sati, prilikom ponovnog dolaska u prostorije Doma Zdravlja, povišenim tonom joj se obratio riječima: „j\*\*\*\*\* vam mater, j\*\*\*\*\* vam sve, j\*\*\*\*\* vam mrtve i žive, nemam šta s tobom pričati ti ga ovdje svima \*\*\*\*\*, sjedi do mene \*\*\*\*\* ga i meni, znam ko si ti, ostavit ću te bez posla, vidjet ćeš šta će ti se desiti, znam ko si šta si“, iako je znao i bio svjestan da načinom svog izražavanja prema J.A. A. vrijeđa njeno ljudsko dostojanstvo i narušava njen psihički integritet koje izjave su kod iste uzrokovale osjećaj poniženosti, a upućene joj prijetnje izazvale strah i uznemirenost, što je i htio,

dakle, ozbiljnim prijetnjama ugrozio sigurnost druge osobe i prema drugom postupao na način kojim se vrijeđa ljudsko dostojanstvo i time narušio njegov psihički integritet,

2. Dana 12.02.2026. godine oko 14,45 sati, na području općine B., u prostorijama JU Dom Zdravlja, ugrozio sigurnost druge osobe ozbiljnom prijetnjom da će napasti na njen život, na način da je medicinskoj sestri J. A. A., nakon izvršene ljekarske kontrole, kroz otvorena vrata ordinacije u kojoj se nalazio, pokazao srednji prst na

obje ruke a potom joj uputio prijetnju sadržaja :“ ti i ja ćemo se sresti“, iako je znao i bio svjestan da na opisani način ugrožava sigurnost druge osobe, što je i htio, koje prijetnje su kod J.A. A. izazvale strah i uznemirenost doživljavajući ih naročito ozbiljnim jer joj je i ranije prijetio,

dakle, ozbiljnom prijetnjom ugrozio sigurnost druge osobe,

čime je počinio produženo krivično djelo Ugrožavanje sigurnosti iz člana 183. stav 1. KZ F BiH u vezi sa članom 55. KZ FBiH u sticaju sa krivičnim djelom Psihičko nasilje iz člana 181b. stav 1. KZ F BiH, sve u vezi sa članom 54. KZ F BiH.